

## CABINET CYNGOR GWYNEDD



### Adroddiad i gyfarfod Cabinet Cyngor Gwynedd

**Dyddiad y cyfarfod:** 18 Gorffennaf 2017

**Aelod Cabinet:** Y Cyngorwyr Mair Rowlands, W Gareth Roberts, Dilwyn Morgan

**Swyddog Cyswllt:** Iwan Evans, Swyddog Monitro  
Geraint Owen Pennaeth Cefnogaeth Gorfforaethol  
Morwena Edwards, Cyfarwyddwr Gwasanaethau Cymdeithasol

**Rhif Ffôn Cyswllt:**

**Teitl yr Eitem:** Adroddiadau ar drefniadau Cwynion a Gwella Gwasanaeth y Cyngor

#### 1 Y PENDERFYNIAD A GEISIR

Derbyn yr adroddiadau.

Cyflwynir eitem, sy'n cynnwys 3 adroddiad am drefniadau Cwynion a Gwella Gwasanaeth y Cyngor. (Trefn Gorfforaethol a Gwasanaethau Cymdeithasol Oedolion a Phlant).

Teimlir hwyrach byddai'r Aelodau yn hoffi ystyried yr adroddiadau efo'u gilydd i gael darlun ehangach o'r Cwynion Ffurfiol sydd yn cyrraedd y Cyngor a sut yr ymdrinir a hwy.

#### 2 CEFNDIR

##### Y Drefn Gwynion Gorfforaethol

2.1 O dan Drefn Gwynion Gorfforaethol y Cyngor mae'n ofynnol cyflwyno adroddiad blynyddol i'r Cabinet, yn crisialu'r gwersi a ddysgwyd dros y cyfnod hwn ac yn dangos sut y maent wedi cyfrannu at wella'r ffordd y mae gwasanaethau'n cael eu cyflwyno.

##### Trefn Gwynion Gwasanaethau Cymdeithasol

2.2 Mae gan y Cyngor hefyd drefn gwynion benodol i ymdrin â chwynion yn ymwneud â'r Gwasanaethau Cymdeithasol. O dan y drefn hon mae'n ofynnol i Gyfarwyddwr y Gwasanaethau Cymdeithasol gynhyrchu adroddiad blynyddol ar y modd ymchwilir i ac ymdrinir â chwynion o fewn y gwasanaeth. Mae hefyd yn cynnwys crynodeb o'r gwersi a ddysgwyd a'r camau a gymerwyd o ran y cwynion a dderbyniwyd.

## Yr Ombwdsmon

2.3 Os bydd achwynydd yn parhau'n anafodlon, ar ôl dilyn trefniadau cwynion y Cyngor gall gyfeirio'r mater at Ombwdsmon Gwasanaethau Cyhoeddus Cymru a all ymchwilio i'r gŵyn os yw'n teimlo bod hynny'n briodol. Yn ogystal â chyhoeddi Adroddiad Blynyddol bydd yr Ombwdsmon yn anfon Llythyr Blynyddol unigol at bob awdurdod.

2.4 Teimlir, drwy edrych ar y tair elfen yma gyda'i gilydd, y gellir cynnig darlun i aelodau o'r sefyllfa ar draws y Cyngor o'r modd yr ymdrinnir â chwynion a sut y dysgir gwersi wrthynt er mwyn gwella gwasanaethau. Penderfynwyd felly y byddai briodol eu cyflwyno gyda'i gilydd i'r Cabinet.

Cyflwynir dwy dogfen at sylw'r Cabinet sef

- Adroddiad Blynyddol ar y Drefn Gwynion Gorfforaethol 2016/17
- Adroddiad Blynyddol y Cyfarwyddwr Gwasanaethau Cymdeithasol 2016/17 (2 adroddiad Oedolion a Phlant)

---

### **Barn yr aelod lleol**

Ddim yn fater lleol.

---

### **Barn y swyddogion statudol**

#### **Y Prif Weithredwr:**

**Y Swyddog Monitro:** Mae'r adroddiadau yma yn rhoi cyfle i'r Cabinet gael trosolwg o berfformiad a sicrwydd ynglyn a threfniadau ymateb i gwynion yr Awdurdod

#### **Y Pennaeth Cyllid:**

Dim i'w ychwanegu o safbwynt priodoldeb ariannol.

---